



Maanan giele medtie 6:e asken raajeste

Ännetje dov maanan gielen bijre govhteden asken raajeste

- Veartanisnie dan jijnjh vueptiestidh maanese! Vuartesjh dam maam dov maana vuartesjeminie jih baakoem disse vedtieh. Aktesne vueptiestidien gaajhkh mij geltege, onne jih stoerre!
- Joe daelie dov maana svihtjeste, tjoejh darjoeh jih aaredæjjam nuhtjeh ihke datnine soptestalledh. Dalleggh maana aaj aalka ohtjemaanan gielem nuhtjedh tjoejjigumie mij govloe da-da jih ta-ta-.
- Dov maana aalka baakoeh goh vuajnah jih tjidjtje jih aehtje guarkedh.
- Dov maana eahtsa datnine soptsestidh, buerie biejjiem stääkedidh jih aelhkies stääkedimmieh dæriedidh gusnie svihtjede, vuesiehtimmien Imse bimse hievnie jih Bäähkesjh bäähkesjh ohtje laajpetje.

Soptsestidh gaajhki bijre

Soptsesth dov maanese gaajhki bijre mah deahpedeminie jih misse maana vuartesjeminie. Soptsesth beapmoen jih vaarjoej bijre, maam dotnoeh vuartesjeminie jih maam maana lea darjoeminie. Vuesehth datne maanam goltelemine, dellie maanam skreejrehth vielie soptsestidh. Vedtieh nuekies tijjem!

Målsoghth jih darjoeh viht

Jiehtieh vilth dam tjoejem maam maana jeahta, monedh mij dihte lea jih biejh baakoem disse. Vuertieh gosk maana tjoejine vaestede jallh svæhtja vaestiedimmine eannan jaarhkah. Maana joe daelie leara dihte gie vâaroem âtna soptsestidh jih guktie dam vâaroem vaeltedh, leara aaj mij baakojde sjïere aatide sjiehtieh.

Stääkedh gieline

Laavloeh, rijmh jih baakoeraajroeh nuhtjh jih stääkedh laavlojne. Soermh jih tjehtjerh aadtjoeh meatan årrodh, ovmesse tjoejh darjoeh jih lustestallh maanan ektine! Dov gærjagâetesne dovne gærjah, laavloeh jih musihkh mejtie maahtah löonedh jih gåatan vaeltedh.

Soptsesth-lohkh maanan ektine


Gæssie maana maahta vueptiestidh misse datne vuartesjeminie jih gâabph datne tjuvtjedh dellie geltege guvviægærjine æhphies sjïdtedh. Tjuvtjedh jih soptsesth guvviægærjine. Goerehth maam dov maana tuhtjeh luste lea. Aalkovistie maanan iedte ij dan guhkies leah mohte ånnetje dle maana maahta fokusem guhkebe stântesne utnedh.

Dov ietniengielem soptsesth

Soptsesth, laavloeh jih lohkh dov ietniengielesne. Jeenjemes maanah veartanisnie gelliengieledh byjresisnie jieliemine, jih ajve aevhkie aadtjodh gellie gieligumie byjjenidh.

Lierh vielie

- Lohkh vielie Gærja-aalkoen/Bokstart bijre daesnie: www.bokstart.se
- Jis dov leah gyhtjelassh dov maanan gieleevtiedimmien bijre maahtah maanahoksejarngem gaskesadtedh. Datne maahtah aaj dov maanan gieleevtiedimmien bijre raeriestidh aarhskuvlen barkijigumie.



Maanan giele medtie 1:s jaepien raajeste

Ännetje dov maanan gielen bijre voestes jaepien raajeste

- Maana maahta dovne tjoejh nuhtjedh jih svihtjedh ihke maam akth dutnjan soptsestidh.
- Dah voestes baakoeh Leah dan bijre mij lea daelie jih daesnie, vuesiehtimmien tjengkere, beeretje jih vuajnah.
- Dov maana vielie baakoeh guarkah enn maam maahta vuesiehtidh mohte dov viehkie daerpies ihke gaajhkem guarkedh jih maam akth soptsestidh.

Nuhtjh dam maam maana tuhtjie gieltege

Datne maahta gaajhkem nuhtjedh maam dotnoeh aarkebiejjesne vuejneden jih darjoden juktie maanan gielem evtiedidh. Gosse maana jeahta dä jih gaahtose tjuvtjede maahtah vaestiedidh: Jaavoe, gaahtoe dihte. Datne gaahtoe lyjhkh? Mäjhtah maanan vaestiedimmien vuertedh.

Jijtse soptsesem darjoeh

Soptsesteh maam beeretje darjoeminie jallh gäabph dihte busse edtja vuelkedh maam vuejneden. Soptsesteh guvviej bijre laevijste jih voelpijste.

Aajhtsh jih goltelh

Gosse vueseht datne maanam jih maanam darjomen aajhtsh dellie maana domtoe datne tuhtjie maanan dierie vihkeles lea, saht jis maana baakoem jeahta, miss' akth tjuvtjede jallh jeatja vuekine maam akth dutnjan soptseste. Dov vaestiedimmijste maana leara vääroem vedtedh jih vaeltedh gosse jeatjebigujmie soptsesteminie.

Stääkedh gieline

Laavloeh, rijmh jih baakoeraajroeh nuhtjh jih laavlojne stääkedh. Nuhtjh gieth jih tjehtjerh, ovnessie tjoejh darjoeh jih lustestallh.

Lohkh aelhkies maanagærjah

Daelie machteden aelkedh maanagærjide lohkedh. Aalkovistie dotnoeh guvvide ektesne vuartesjeminie jih dejtie tjuvtjedidien. Voestegh buerebe jis datne soptsesteh, mohte dalleggh maana maahta aelkedh gærjan tjaaleldh soptsesem goltelidh. Dov gærjagâetesne raerieh äadtjoeh gærjaj bijre mejtie maahtah gâatan löönedh.

Dov ietniengielem soptsesteh

Soptsesteh, laavloeh jih lohkh dov ietniengielesne. Jeenjemes maanah veartanisnie gelliengieledh byjresinie jieliminie, jih ajve aevhkie äadtjodh gellie gieligujmie byjjenidh.


Lierh vielie

- Lohkh vielie Gærja-aalkoen/Bokstart bijre daesnie: www.bokstart.se
- Jis dov Leah gyhtjelassh dov maanan gieleevtiedimmien bijre maahtah maanahoksejarngem gaskesadtedh. Datne maahtah aaj dov maanan gieleevtiedimmien bijre raeriestidh aarhskuvlen barkijigujmie.

Kulturræerie reerenassem stillemem äädtjeme lohkemem jih orre maanaj gieleevtiedimmien freemjedh. Gærja-aalkoe akte nasjonaale råajvarimmie mij eejhtegidie jih geerve almetjidie maanaj lihke.

KULTURRÅDET

Bokstart



Maanan giele medtie 18:e asken raajeste

Ånnetje dov maanan gielen 18:n asken raajeste

- Gellie maana daennie aalterisnie guarkoeh medtie 200 baakoeh aarkebiejeste.
- Maana maahta sãemies baakoeh nuhtjedh mohte dah maehtieh mãedtiesãarhts ulmiem åadtjodh ovmessie tsiehkij sisnie
- Naakenh maanah aelkieh baakoeh raajrosne biejedh, vuesiehtimmien tjidtjie bijle jallh bienje desnie.

Jijnjh ektesne soptsestidien

Soptsestidien maam dotnoeh darjoeminie. Soptsesth maanese maam deahpedeminie jih baakoeh biejh dejtie mejtie dotnoeh darjoeminie. Eensilaakan goltelh maam maana tuhtjie jih ussjede. Veditieh buerie tijje maanese

Goltelh jih maanan gielem evtedh

Vuesehth datne maanese goltelminie. Gosse datne maanan jijtse baakojde nuhtjh jih orre baakoeh lissehte dellie maanam viehkehth sijjen gielem evtiedidh. Jis maana jeahta “namnam” dle datne maahtah jiehtedh: Jaa, beapmoe daate jih daelie edtjien byöpmedidh. Maana daamhtah dej jijtsh baakoeh jiehtieh. Aellieh maanan gielem staeredh bene nuhtjh dejtie baakojde staeries guktie maana govloe guktie dam jiehtedh.

Soptsesth-lohkh maanan ektine


Maana daelie aavode gellie ovmessie gærjaj åvteste mej bijre dotnoeh maehmeden ektine soptsestidh. Gihtjh gærjan sisvegen bijre jih biejh maanan jijtse dååjrehtimmieh disse: Maam datne vienhth...? Datne mājhtah...?

Dov ietniengielem soptsesth

Soptsesth, laavloeh jih lohkh dov ietniengielesne. Jeenjemes maanah veartanisnie gelliengieledh byjresisnie jieliminie, jih ajve aevhkie åadtjodh gellie gieligujmie byjjenidh.

Lierh vielie

- Lohkh vielie Gærja-aalkoen/Bokstart bijre daesnie: www.bokstart.se
- Jis dov Leah gyhtjelassh dov maanan giele-evtiedimmien bijre maahtah maanahoksejarngem gaskesadtedh. Datne maahtah aaj dov maanan gieleevtiedimmien bijre raeriestidh aarhskuvlen barkijigujmie.



Maanan giele medtie 3:e jaepien raajeste

Ännetje dov maanan gielen bijre medtie gäalmede jaepien raajeste

- Gellie maana daelie gellie tjuetieh baakoeh guarkoeh. Dah maetieh aelkedh raajesh darjodh jih aelkieh åenehks soptsestimieh utnedh.
- Maanan leah gellie gyhtjelassh jih aelkieh guarkedh guktie edtja baakoede nuhtjedh, jih ahte maahta baakoejgumie stääkedidh.
- Maana aalka dagkeri bijre soptsestidh maam lea dåjrehtamme jih lyjhkoe goltelidh gosse datne maam akth soptsesth.

Tjaalastahkh jih baakoeh vueptiestidh

Aarhskuvlebaelesne gellie maanah tuhtjeh tjaalastahkh jih baakoeh gieltege leah. Lohkh jih tjuvtjedh tsieglide jih aatide gæssie dov maana tuhtjie luste. Goerehtidien væhtah jih gävvetjh jih soptsestidien dej bijre jih maam dah maetieh soptsestidh.

Orre baakoeh buerkesth

Nuhtjh orre baakoeh dagkeri ävteste maam deahpedemie jih dejtie mejtie aarkebiejjesne vuejneden. Jis maana ij baakoeh guarkah maahta dejtie buerkiestidh: saelhtie mahte seamma goh jaevrie, ajve stuerebe. Jallh: Gosse monnoeh pruvhkien gaadhan vaedtsedh laavkodh dellie saelhtie dihte.

Soptsestidh

Soptsestidh maam biejjesne deahpadamme. Soptsesth dej bijre maam datne vuajname maana lea dorjeme jallh maam datne govleme maana aarhskuvlesne dorjeme, böörh maanam vielie soptsestidh dan bijre.

Jeenjemes maana golme jaepien bæries eah gaajhkh baakoeh jiehtieh nimhtie goh mijjieh geerve almetjh dejtie

jiehtieh. Gosse datne baakoem govlh mij jeatjahlaakan govloes maahta dam staeries jiehtedh ihke maana leara guktie dam jiehtedh.

Lohkh maanan ektine

Fierhten biejjien lohkedh maanan ektine buerie vuekie. Gellie maanah gærjam utnieh maam tuhtjeh joekoen hijven jih maam sijhtieh viht jih viht lohkedh. Daelie maahtah ännetje geervebe guviegærjah nuhtjedh mohte annje soptsesth-lohkh-vuekie dihte mij bööremes. Skreejreht maanam soptsestidh gærjan bijre jih baajh maanam gihtjedh gærjan bijre mearan datne dam soptsesteminie. Gæssie maana maam gihtjeh goltelh dellie jih ussjedh gyhtjlassen bijre maanan ektine.

Mäjhtah maana leara stääkedimmien tjirrh. Stääkedh, lohkh, laavloeh jih soptsestidh maanan ektine. Rijmh, baakoeraajroeh jih laavloeh annje luste maanese. Gærjah lohkedh bööremes vuekie orre baakoeh lieredh.

Dov ietniengielem soptsesth

Soptsesth, laavloeh jih lohkh dov ietniengielesne. Jeenjemes maanah veartanisnie gelliengieledh byjresisnie jielieminie, jih ajve aevhkie åadtjodh gellie gieligujmie byjjenidh.

Lierh vielie

- Lohkh vielie Gærja-aalkoen/Bokstart bijre daesnie: www.bokstart.se
- Jis dov leah gyhtjelassh dov maanan gieleevtiedimmien bijre maahtah maanahokse arngem gaskesadtedh. Datne maahtah aaj dov maanan gieleevtiedimmien bijre raeriestidh aarhskuvlen barkijigujmie.

Kulturræraerie reerenassem stillemem åådtjeme lohkemem jih orre maanaj gieleevtiedimmien freemjedh. Gærja-aalkoe akte nasjonaale råajvarimmie mij eejhtegidie jih geerve almetjidie maanaj lihke.

KULTURRÅDET

Bokstart